

Zeitschrift: Baselbieter Heimatblätter
Herausgeber: Gesellschaft für Regionale Kulturgeschichte Baselland
Band: 12 (1947-1948)
Heft: 4

Artikel: Der Maischter : 1814
Autor: Meyer, Traugott
DOI: <https://doi.org/10.5169/seals-859782>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>

Der Maischter.

1814.

Von Traugott Meyer, Basel.

S chuttet dury, wird hääl und cholt.
 Ryf a de Stuffle — s chracht im Wold.
 Uf Ziife ryte Fröndi har:
 Panduren und Hungar, e läbige Gschar
 i plarige Mäntel, vill Plämper dra,
 hai Fotselschnäuz, es gruist aim a.
 Jedwäde wäit und schlänggered d Bai,
 brüelt und parlaaggered allerlai.
 Das chunnt und chuttet s Dorf dury,
 es chönnt der Bysluft sälber sy.

Bim grosse Brunnen aber stockts
 und dur e ganze Huufe bockts.
 Der Rittmaischter winkt em Presidänt,
 ziet d Händschén ab und chuucht i d Händ,
 sait äntlig: «Liebi Buurelüt,
 mer sy nit Tüüfel, es gscheht ech nüt!
 Wai numme Heu und Strau und Brot,
 es Dach au für die gröbschi Not.
 Paar Tag, e halbi Wuche blos —
 no haue mers wider, schiebe mer los.»
 Uf das hi luegt men enander a,
 me wött au s Hinderscht büschled ha.
 Zletscht wird men ainig. Ohni Hatz
 zottled men ab — und leer isch der Platz.
 Numme der Presidänt blybt no
 mit em flotte Rittmaischter do.

Der Rittmaischter lächled iez und sait:
 «Wär isch der Rüüchscht, wo der z Ziife hait?»
 Der Presi stutzt und glotzt e Chehr
 und brösmeled vüre: «Gnädige Heer,
 grad früntlig sy mer allzsäme nit,
 wils do umenand ehnder Ruuchis git;
 aber aine schwingt glych obenuus:
 der grobschlächtig Schmiid im letschte Huus;
 dä lait im Dorf und ab und uuf
 em Allerrüüchshte no zöiftig druuf.»
 Der Rittmaischter dankt und trabt dervo.
 Der Presidänt luegt im gstuinig noo.

E Halbstund später ryted a
 bim Schmiid e gar dunders gstrüüsste Ma.
 Er satzt vom Sattel, füert ohni Wahl
 sys Ross i d Stube, as weers i Stal.
 Do ruumt er fletig d Kumoden uus,

gheit alls dur s Pfäischterloch vor s Huus
 und schütted Hüüfe Haber y,
 as sette d Schublade Chrüpfe sy.
 Druuf raicht er none paar Wölle Strau
 und Heu, e ganzi Burdi, au.
 «Für s Ross isch gsorgt», so sait dä Ma,
 «iez aber chummen i sälber dra!»
 Er höischt es Ässe, mit Anke gmacht,
 e Guttore Wy und es Bett für z Nacht,
 höischt das so chlotziggrob — und lue,
 er dröit mit de Füüsche no derzue!

Der Schmiid, wo i der Türe stohlt,
 wird chrydewyss und füürzündrot.
 E Ruck, e Griff — und zickizack
 lyt der Soldat scho uf em Sack.
 Und none Griff in aller Jascht —
 gäll, bunde, gchneebled isch der Gascht.
 Druuf chunnt e Hälsig um e Hals,
 der Schmiid sait: «So, iez hai mer alls.»
 Er füert sy Burscht as wien e Chue
 i Stal a d Chrüpfen und lacht derzue.
 Zletscht schütted er im no Fueter uuf,
 macht: «Frassischs nit, gits d Gaisle druuf!
 I ha so by mer sälber dänkt,
 in euem Land wärd anderscht gchlänkt:
 s Veh woll men i der Stube ha,
 d Lüt chömen a der Chrüpfe dra.
 Und wil das sone Bruuch wird sy,
 so gäb i noo und schick mi dry.»

Die chytig Nacht und möndrisch no
 het me dä Burscht im Stal inn glo.
 Vom Rittmaischter, vo der ganze Schwadron
 ischs uusegsprützt: «Er het sy Lohn!
 Me het in gsuecht syt johretag
 der Ma, wo dä Grüüsel gmaischtere mag.
 Und niene gfunde! Aber do
 isch äntlig der Maischter vürecho!»

Und wo si furtryte mit Sing und Sang
 dankt der Rittmaischter em Schmiid no lang,
 wöischt im im Name vo allne Glück
 und drückt im i d Hand es guldigs Stück.
 Der Schmiid dräits umme, luegt, wies isch —
 und brummled i Bart: «Hans, blyb wie de bisch!»